

张仲书
清
南
名
家
诗

吴月松题





鄭平

1994

《济南七十二泉诗》序

『明』 晏璧

有此天地，即有此山川。山为地之形势，水为地之脉络，皆扶輿清淑之气所钟，和顺积中，英华发外。子在川上曰：『逝者如斯』。

《孟子》曰『源泉混混』，喻道体也。文人才子，适兴而咏歌之者宜哉。且济南为谭子国，附庸于齐。南距泰山百余里。郡东南三十里为龙洞，岩穴外阻，而中豁径路，斗折而蛇行。多怪石幽泉，能出云气，作雷雨。泉脉环城内外，凡七十有二：曰趵突泉，曰玉环，曰珍珠，曰漱玉，曰醴泉，曰甘露，曰金线，曰蜜脂，曰白龙，曰黑虎，曰芙蓉，曰柳絮，曰金沙，曰白公，曰孝感，曰无忧，曰洗钵，曰濯缨……虞舜耕于历山，故济南以历城名邑。有虞舜祠，东坡先生韦欧阳文忠公舜泉诗刻于石。予永乐二年，持宪节来济南，休沐之暇，与大夫君子升高眺远。凝眸而挹山色，洗耳以听泉流。绮结锦绣，黛霭舞停，诚中州之奇观也。抑天造而地设，岂人力所能为哉？昔柳子厚尝记柳永州山水，怪造物者不为之于中州，而列于夷狄，使千百年不得一售其技，是固劳而无用于神者。今济南环城不啻舍许，而七十二泉献秀呈奇，是造物者为之于中州，使千百年不得一售其技，亦劳而无用于神者。予故取而咏之，惜无柳子之才，足以发扬山水之胜。诗成，济南太守太原杨有洛请侵梓以传，且贺曰：斯泉也，阅古今而不能售，诗而咏之，是泉之遭也。予遂书之，以附郡志云。

晏璧（生卒年不详），字彦文，庐陵（今江西省吉安市）人。明永乐二年（1404年）任山东按察司金事。『以诗名于时』。此《济南七十二泉诗》，即作于在济南任职期间。

张仲亭艺术简介

张仲亭 山东淄博人，1927年生于济南。中国书协会员，山东省书协副主席，济南市书协主席。

自幼酷爱书法，用功极勤。数十年来，特别是近十年来，把功夫花在继承传统临帖读帖上，先后反复临习古人楷、隶、行、草名碑名帖数十种，并坚持取法乎上，上追晋唐，书宗二王，对《兰亭序》、《圣教序》、《祭侄稿》、《书谱》及米芾、王铎等书帖下功夫尤深。现任济南市文联党组书记、副主席，虽工作繁忙，却没敢有一时一刻的放松，旨在不断攀登书艺高峰。

近年来，其书艺不断提高，书法作品受到广大书法爱好者及专家学者的欢迎和好评，多次入选重大展览并获奖。1964年小楷作品入选在台湾举办的华夏艺术国际展览并获银奖，1965年小楷作品入选全国第六届中青年书法篆刻作品展，同年小楷作品入选全国第六届书法篆刻展，1966年行书作品入选纪念孙中山先生诞辰一百周年海峡两岸书画名家作品联展获一等奖，同年行草书对联参加全国第二届楹联大展入选提名，1967年小楷作品入选全国第二届正书大展。

趵突泉

渴馬崖前水滿川
池心泉迸蕊珠圓
濟南七十泉流乳
趵突獨稱第一泉

金綫泉

水紋浮綠影搖金
倒挽銀河百尺深
中有錦鱗三十六
碧波蕩漾任浮沉

杜康泉

甘泉一脉舜祠下此地千年說杜君
不是重華常嗜酒幾危聊借解南熏

朱公泉

陶公已泛五湖船尚有芳名寄此泉
縈繞柏窗風日永濟南別有一山川

白公泉

白公當日浚清渠可灌秋田十頃餘
千載齊民沾地利離離禾黍秀郊墟

舜泉

巍巍舜廟歷城南中有清泉味極甘
流出迎祥僊館去汪汪千頃泛波瀾

濯纓泉

石罅流泉可濯纓
夔無斧鑿自天成
一清疑挽銀河水
應歎滄浪浪得名

甘露泉

盤谷清泉一派長
味甘却似飲天漿
何須沆瀣分仙掌
滴滴斟來透骨涼

五
獨孤泉

天麻山北水盈渠
山水流傳姓獨孤
藥嶺龍蔥含紫翠
清流豈受俗塵污

湛露泉

泉如湛露味甘香
潤人三焦齒頰涼
通樂古園饒爽氣
厭厭夜飲醉無妨

雙女泉

二妃厘降有虞城
城下流泉冽且清
麥壟黍田資潤澤
田公擊壤樂升平

羅姑泉

阿姑遺迹渺煙蘿
贏得流泉尚姓羅
陵谷變遷無限感
至今於越慕曹娥

孝感泉

齊城孝子格天心井湧清泉冽且深
躍鯉卧冰非好異流傳勝事到於今

玉環泉

泉脉盤回似玉環天留勝地在人間
溫泉曾被楊妃辱故引清流到歷山

南漱玉泉

南泉漱玉派匡廬應是雲門瀑布餘
月照波心清可鑒豈無湘女解瓊琚

北漱玉泉

泉流北澗瀑飛瓊靜日如聞漱玉聲
纖手掬來清徹骨高人宜爾濯塵纓

南珍珠泉

神林南面有流泉流出明珠顆顆圓
一脉清泠猶合浦月明老蚌吐深淵

北珍珠泉

白雲樓下水溶溶滴滴泉珠映日紅
淵客泣來無覓處恐隨流水入龍宮

南甘露泉

佛頂巍巍青插天
滴來甘露化流泉
南風六月為霖雨
遠借恩波溉井田

龍門泉

西望龍門海
藏通香泉一脉透齊東
桃花浪暖春三月
鷗化鵬程九萬風

白龍泉

白龍已逐白雲飛
鱗甲時時漾綠漪
月白風清天似水
一泓元是化龍池

黑虎泉

石蟠水府色蒼蒼
深處渾如黑虎藏
半夜朔風吹石裂
一聲清嘯月無光

黑龍泉

澄潭萬頃碧如油
泉水流來石洞幽
夜半龍歸雲霧黑
散為膏雨澤齊州

鹿跑泉

泉聲清似鹿呦呦
逝者如斯日夜流
靈圓料應非宿昔
蘼蕪杜若滿滄州

芙蓉泉

鵲華紫翠削芙蓉山下流泉石澗通
朵朵紅妝照清水秋江寂寞起西風

雙桃泉

前度劉郎不再來泉頭幾見碧桃開
昨宵忽夢三偷客滿泛瑤池阿母杯

柳絮泉

金綫池邊楊柳青
泉分石竇曉泠泠
東風三月飄香絮
一夜隨波化綠萍

柳泉

杏花開遍柳垂絲
柳下清泉漾碧漪
莫折柔條留繫馬
綠陰深處聽黃鸝